

ხელშეკრულება №01/14/024  
სახელმწიფო შესყიდვის შესახებ  
ელექტრონული ტენდერი აუქციონის გარეშე NAT190000995

ქ. თბილისი

12 თებერვალი, 2019 წ.

საჯარო რეესტრის ეროვნული სააგენტო, შემდგომში წოდებული „შემსყიდველად”, წარმოდგენილი შესყიდვების სამსახურის უფროსის ვახტანგ შავგულიძის სახით და ფიზიკური პირი ნოდარ ქუჯოშვილი შემდგომში წოდებული „მიმწოდებლად”, ორივე ერთად წოდებული როგორც „მხარეები“, ვოქტევილი რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

**1. გამოყენებული ტერმინების განმარტებები**  
ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში არის მინიშნებები.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს საქონლის მიმწოდებას ამ ხელშეკრულების ფარგლებში.

1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

1.7 „ინსპექტირება“ – ხელშეკრულების პირობების შესრულების კონტროლი და ზედამხედველობა.

**2. ხელშეკრულების საგანი**

2.1 ხელშეკრულების საგანია მძღოლთან ერთად, სატრანსპორტო საშუალებების დაქირავების მომსახურების შესყიდვა (CPV 60170000)

2.2 მომსახურების დასახელება, რაოდენობა და ტექნიკური მახასიათებლები მოცემულია მიმწოდებლის მიერ წარმოდგენილ ფასთა ცხრილში (დანართი №1).

**3. ხელშეკრულების ღირებულება**

3.1 ხელშეკრულების ღირებულება განისაზღვრება მიმწოდებლის მიერ წარმოდგენილი ფასთა ცხრილის (დანართი №1) შესაბამისად და შეადგენს **10 900.00** (ათი ათას ცხრაასი) ლარს.

3.2 ხელშეკრულების ღირებულება მოიცავს, როგორც მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს, დღგ-ს ჩათვლით.

**4. მხარეთა ვალდებულებები**

**4.1. მიმწოდებელი ვალდებულია**

ა) შესყიდვის ობიექტის მიწოდება განხორციელდება ხელშეკრულების გაფორმებიდან შემსყიდველის ყოველი მოთხოვნისას 2019 წლის 25 დეკემბრამდე, გადაყვანის დრო და ადგილი განისაზღვრება შემსყიდველის მოთხოვნის შესაბამისად, დანართი №1-ით განსაზღვრულ არეალში

ბ) ავტობუსი უნდა იყოს მინიმუმ 50 ადგილიანი აღჭურვილი მგზავრთა უსაფრთხოების ყველა სამუალებით, კომფორტული სალონით, სტანდარტული სავარძლებით, გათბობა- გამაგრილების და ვენტილაციის სისტემით.

გ) მომსახურების გაწევისას ავტოსატრანსპორტო საშუალება უნდა იყოს სრულად გამართული, სუფთა/გარეცხილ მდგომარეობაში და საწვავით უზრუნველყოფილი.

დ) იმ შემთხვევაში თუ მგზავრების გადაყვანა დანიშნულების ადგილამდე არ მოხერხდა მიმწოდებლის მიზეზით (მძღოლის, ავტოსატრანსპორტო საშუალების ტექნიკური გაუმართაობა, საწვავის უქონლობა, საგზაო სატრანსპორტო შემთხვევა და სხვ.) მიმწოდებლი ვალდებულია უზრუნველყოს მგზავრის დანიშნულების ადგილამდე მიყვანა სხვა ავტოსატრანსპორტო საშუალებით.

ე) ვტოსატრანსპორტო საშუალებას გავლილი უნდა ჰქონდეს ტექ დათვალიერება.

ვ) სატრანსპორტო საშუალებაში გამოყოფილი უნდა იყოს მგზავრების ბარგის განსათავსებელი სივრცე.

ზ) მომსახურების გაწევა უნდა განხორციელდეს მხოლოდ დიზელის ან ბენზინის ძრავიანი ავტომობილებით.

თ) განახორციელოს ამ ხელშეკრულებით მასზე დაკისრებული სხვა ვალდებულებები.

## 4.2 შემსყიდველი ვალდებულია:

ა) უზრუნველყოს ინსპექტირების განხორციელება;

ბ) 2 სამუშაო დღით ადრე აცნობოს (მოთხოვნის შეიძლება დაფიქსირდეს შემდეგი სახით: წერილი ან/და მიმწოდებლის მოდულში დაფიქსირებულ მობილურის ნომერზე დარეკვა ან/და სმს შეტყობინების გაგზავნა ან/და მიმწოდებლის მოდულში დაფიქსირებულ მეილზე შეტყობინების გაგზავნა) მიმწოდებელს დანართი №1-ით განსაზღვრული მომსახურების საჭიროების შესახებ.

გ) განახორციელოს ამ ხელშეკრულებით მასზე დაკისრებული სხვა ვალდებულებები.

## 5. ინსპექტირება

5.1 შემსყიდველი უფლებამოსილია ჩაატაროს ინსპექტირება, რისთვისაც გამოყოფს უფლებამოსილ პირს/პირებს, ხოლო მიმწოდებელი ვალდებულია ხელი შეუწყოს მას/მათ ინსპექტირების განხორციელების დროს.

5.2 ინსპექტირება განახორციელდება სააგენტოს ადამიანური რესურსების მართვის სამსახურის უფროსის ლია კვირჭიშვილის ან მისი მოვალეობის შემსრულებლის მიერ.

5.3 შემსყიდველის მიერ ინსპექტირება განხორციელდება ხელშეკრულების შესრულების წებისმიერ ეტაპზე.

## 6. საქონლის მიღება-ჩაბარების წესი

მომსახურების ყოველი ნაწილის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით, ინსპექტირების განმახორციელებელი პირის/პირების დადებითი დასკვნის საფუძველზე.

## 7. ანგარიშსწორება

7.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა – ლარი;

ბ) ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

გ) დაფინანსების წყარო: 2019 წლის საკუთარი შემოსავლებით მიღებული სახსრები.

7.2 შემსყიდველი იღებს ვალდებულებას მიმწოდებელს აუნაზღაუროს მიწოდებული მომსახურების ღირებულება შესაბამისი მიღება-ჩაბარების აქტის გაფორმებიდან და საგადასახადო ანგარიშ-ფაქტურის წარმოდგენიდან (თუ დღგ-ს გადამხდელია) 10 სამუშაო დღის განმავლობაში, მაგრამ არაუგვიანეს 2019 წლის 31 დეკემბრისა.

## 8. ხელშეკრულების შესრულების შეფერხება

8.1 თუ ხელშეკრულების შესრულების პროცესში მხარეები წაწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

8.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-10 მუხლის შესაბამისად.

## **9. ხელშეკრულების პირობების შეუსრულებლობა**

**9.1** წინამდებარე ხელშეკრულების 4.1 პუნქტის „ა” ქვეპუნქტით განსაზღვრული მომსახურების მიწოდების ვადების გადაცილების შემთხვევაში, მიმწოდებელს ეკისრება პირგასამტებლო ყოველ ვადაგადაცილებულ საათზე ხელშეკრულების ღირებულების 0.2%-ის ოდენობით, ხელშეკრულების არაჯეროვნად შესრულების შემთხვევაში ხელშეკრულების ღირებულების 5%-ის ოდენობით.

**9.2** წინამდებარე ხელშეკრულების 7.2 პუნქტით განსაზღვრული გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტებლო ყოველ ვადაგადაცილებულ დღეზე ხელშეკრულების ღირებულების 0.2%-ის ოდენობით.

**9.3** იმ შემთხვევაში, თუ მიმწოდებელზე დაკისრებული პირგასამტებლოს ჯამური თანხა გადააჭარბებს ხელშეკრულების ღირებულების 1 (ერთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს შესაბამისი პირგასამტებლოს ანაზღაურება.

**9.4** პირგასამტებლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან

## **10. ხელშეკრულებაში ცვლილებების შეტანა**

**10.1** ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების ხელმოწერით.

**10.2** თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

## **11. დავების გადაწყვეტა**

**11.1** ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

**11.2** თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია მიმართოს საქართველოს სასამართლოს კანონით დადგენილი წესით.

## **12. ხელშეკრულების შეწყვეტა**

**12.1** თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

**12.2** ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

**12.3** ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

## **13. ხელშეკრულების მოქმედების ვადა**

წინამდებარე ხელშეკრულება ძალაში შედის ხელშეკრულების ხელმოწერის თარიღიდან და მოქმედებს 2020 წლის 31 იანვრის ჩათვლით.

## **14. ფორს-მაჟორი**

**14.1** წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო საქეციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

**14.2** ამ მუხლის მიზნებისათვის „ფორს-მაჟორი“ ნიშნავს მხარებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემით, კარანტინით, საბიუჯეტო ასიგურებების მკვეთრი შემცირებით და სხვა.

**14.3** მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

**15. სხვა პირობები**

ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი – შემსყიდველს.

**16. მხარეთა რეკვიზიტები**

შემსყიდველი:

მიმწოდებელი:

საჯარო რეესტრის ეროვნული სააგენტო,  
შესყიდვების სამსახურის უფროსის  
ვახტანგ შავგულიძის სახით,  
მისამართი: ქ. თბილისი, სანაპიროს №2  
ხაზინის ერთიანი ანგარიში:  
№GE24NB0330100200165022,  
სახელმწიფო ხაზინა, ბანკის კოდი: TRESGE22  
სახაზინო კოდი: 707427078  
სკ - 202238621

ფიზიკური პირი ნოდარ ქუჯოშვილი

მისამართი: გორი კ.მარჯანიშვილის ქ. N 9  
საბანკო რეკვიზიტები: ანგ.  
№GE66BG0000000634551700,  
სს „საქართველოს ბანკი“, კოდი: BAGAGE22,  
სკ - 59001008476



ნ. ქუჯოშვილი

მძღოლთან ერთად, სატრანსპორტო საშუალებების დაქირავების მომსახურების შესყიდვა.

დანართი N1

| № | მარშრუტის დასახელება  | მარშრუტის<br>რაოდენობა | ერთეულის<br>ღირებულება | საერთო ღირებულება |
|---|---|------------------------|------------------------|-------------------|
| 1 | თბილისი-ყვარელი-თბილისი<br>ან/და თბილისი - ლოპოტა - თბილისი<br>(არანაკლებ 50 ადგილიანი ავტობუსის<br>მომსახურება, სავარაუდოდ გასვლის დღე<br>პარასკევი უკან დაბრუნება კვირა)                                  | 6                      | 800                    | 4800              |
| 2 | თბილისი-წყალტუბო-თბილისი<br>ან/და თბილისი-გუდაური-თბილისი<br>ან/და თბილისი-ბაკურიანი-თბილისი<br>(არანაკლებ 50 ადგილიანი ავტობუსის<br>მომსახურება, სავარაუდოდ გასვლის დღე<br>პარასკევი უკან დაბრუნება კვირა) | 3                      | 700                    | 2100              |
| 3 | თბილისი-ბორჯომი-თბილისი<br>(არანაკლებ 50 ადგილიანი ავტობუსის<br>მომსახურება, სავარაუდოდ გასვლის დღე<br>პარასკევი უკან დაბრუნება კვირა)  | 1                      | 1000                   | 1000              |
| 4 | თბილისი-ბათუმი-თბილისი (არანაკლებ<br>50 ადგილიანი ავტობუსის მომსახურება,<br>სავარაუდოდ გასვლის დღე პარასკევი<br>უკან დაბრუნება კვირა)   | 1                      | 1800                   | 1800              |
| 5 | თბილისი-სარმე-თბილისი<br>(არანაკლებ 50 ადგილიანი ავტობუსის<br>მომსახურება, სავარაუდოდ გასვლის დღე<br>პარასკევი უკან დაბრუნება კვირა)  | 1                      | 1200                   | 1200              |
|   |   |                        |                        | ჯამი 10900        |

ხელმოწერა 6. სექტემბერი